

DEO OPTIMO MAX.
UNI ET TRINO.
VIRGINI DEIPARÆ, ET S. LUCAE
Orthodoxorum Medicorum Patrono.

QUÆSTIO MEDICA;

QUOD LIBETARIIS DISPUTATIONIBUS
manè discutienda, in Scholis Medicorum, die Jovis
vigesima quintâ Januarii M. DCC. XXXI.

M. LUDOVICO PETRO LE HOC,
Consiliario, Medico Regis ordinario in ejus ca-
stellero, Doctore Medico, Præsiede. *Autore.*



An omnes animantium motus ab aëre?

I.



R I M A, rectius dicam, unica corporis humani Genesis motus est. Non aliundè habet ut vivat homo nisi à motu, nec si labefactetur aliquandò, pereatque tandem funditus, aliud causæ motum præter inculpaveris. Motus itaque natura attentius inspicienda: eo in negotio caligant penè omnes. Nemini benè compertum est quid discriminis sit causam hujus inter & effectum: Quanam re moveatur corpus humanum, quid-ve in ipso moveatur; appellant alii fluidorum vim, aliis solidorum placet elaterium. Musculorum, seu fibrarum carnearum ope motus excreetur in machinâ, nec de eo ambigitur. At quæstionis nodus remanet semper, & quidèd Gordianus. Desinant, amabimus, quo agente, quo instante motus in musculis deprehendatur. Necquicquam ab explosione motum eduxeris? Frustrâ à membranis cerebri, frustrâ à sanguine ipso varios per corpus circulos patiente. Pudet me hîc palàm facere anilia Chymicastrosum deliria. Apage! isti sint cum totâ suâ fermentorum fatragine. Quid enim habent amplius fermenta, nisi ut vasa miserum in modum distendantur: sed eorundem parietes fermentorum adminiculo pristinum in statum restituar, si potest, ventosa Cinislonum familia, & erit mihi magnus Apollo. Nec minor Ellebori danda est pars iis quorum è cerebro prodière spiritus animales. Dii boni! Quid sonant spiritus animales, nisi ventos & inania? Vixere infantes benè multi per aliquot horas, quorum cranio affixi erant nervi ferè ossei; in iis ne minima etiàm cerebri pars parandis spiritibus animalibus idonea. Nervos inspicias etiàm microscopio adjunctus exquisito, nulla in iis cavitas, ne prima quidèd ductuum aut liquoris vestigia. Tumebunt-ne Nervi musculos inter & cerebrum interclusi vinculo aliquo? Nullatenus: Quin imò avellatur cor è corpore Ranae, Testudinis, Anguillæ, Viperae, Torpedinis, interpositis horis quampluribus motu agitur adhuc Systoles ac Diastoles. Erit aliquis forsàn spirituum animalium fons? Sè-

cretionem assignant. Verum quâ ratione perficitur ista secretio? Motu nempe, motu, inquam, cujus originem trahunt ab illis ipsis spiritibus animalibus chimerici sanè succorum fictitiorum asseriores. Sed præcludamus omnem effugii locum. Demus nervos spiritibus animalibus jugiter turgescere: non stagnant sanè in alveis suis, donantur motu aliquo, coque circulari & progressivo. Undenam habent, ut sic progrediantur, circulosque agant innumeros? Ristum moveat quisquis proprium liquoris pondus, nativamque ipsius impulsionem causaverit: neque enim liquori cuiquam datum vel tenuissimum, ut moveatur à se sive fursum, sive deorsum, sive circulariter. Neminem igitur pigeat asserere animantium motum qualemcumque à solidorum elaterio proficisci.

II.

* Baglivi,
Bellini,
Piscarn.
&c.

QUOD habent muneris & virium à naturâ liquores humano in corpore excepti, illud servant renaciter; at nullus ipsorum impetus, nulla vis, si sibi metipsis permittantur. Qui tantâ alacritate arterias venasque percurrit sanguis, ille idem sibi relictus torpet, coalescit, non progressurus, nisi premeretur. Hinc instat virum elastici, illinc obstat fluidi ambientis vicinia. Partes solida, vasorum fasciculi; vasa ipsa, fibrarum sibiimet adhaerentium congeries. Haec totidem quasi vectes*, totidem quasi Elateres, quibus vigentibus, quibus oscillantibus liquores progredi, discurrere necesse sit. Admovent fluidis calcaria: nec mirum, quippe quæ maximo donentur elaterio. Quis enim ea corpora negaverit esse elastica quæ certo gradu compressa & sibi post hac relicta priorem protinus recuperant statum? Hac est autem genuina fibrarum fors: expanduntur sæpè miris & quidem diversis modis: distenditur cutis in hydropicis & gravidis: distenduntur musculi abdominis. Scrotum turgens videas in herniâ intestinali, uterum à fœtu grandiori & sapius gemello: huic tumet præ nimia ciborum copiâ ventriculus, illi præ flatibus intestina. Illud idem discriminis glandulæ colli in scrophulis, testium canaliculi, si stagnaverit humor, experiuntur. Removeatur expansionis causa, priorem brevi interpositâ morâ recipiunt statum. Motus illi fibrarum *contractivus* oculos offendit vel minus cautos: deprehenditur facillimè, si animanti recens mortuo vel etiam spirante adhuc, musculum quemlibet recideris. Distrahas, velim, hinc inde musculum ulteriùs quàm par est, deindè liceat ipsi resiliere: jures vitâ gaudentem, tantâ velocitate priorem figuram redipiscitur. Est in fibris hæc aliquid Geometrico-mechanicum; est & specialis materia quædam elastica, cujus ope à nativo nunquam motu decidunt.

III.

QUID fibrarum tonus, quid earumdem robur, si excusseris aërem? Benè amicâ aëris vi pulmonum vesiculare corpus & spongiosum expanditur. Aëris pondere sanguis ab uno cordis sinu in alterum suffunditur indefinenter. Frustrâ nisi intus egerit aër, debitam fibrarum systolen expectaveris ac diastolen. Procei vices gerunt aëris moleculæ, frigore densantur, calore rarefiunt. Negatur elaterium fluidis omnibus: aërem excipias. Si quid elatere gaudeat, gaudet aëris munificentia: fluidorum partibus irrepit aër, inde fit ut fluant. Quid solidorum partes? Acci-ne impetrix? Absit, credideris. Ingredditur graviora quaque corpora, eorumque Latebris, Alveis, Sinibus undequaque delitescit. Varii sunt aëris effectus humano in corpore, seu primam illius speciem originem, seu fuerit ætas hominis provectior. Aëre circumfusi, aëris beneficio spiramus, vivimus, in lucem editi, aëre, ut ita dicam, obstericante. Nec licet hic Veneris prodidisse mysteria: inde tamen plurima aëris laus. Coitus instanti, quis motus, quis calor, quæ partium generationi dicatarum expansio? Hinc aërem circumquaque in-clusum, clusum vehementer rarefieri, hinc nimio caloris æstu dilatari contingit: maxima inest aëris copia; nec diffusetur quispiam in ovo quolibet. Quidni aër motu toties repetito incalcescat, membranarumque in quibus coërcetur parietes distendat, quippe quæ resistant minus, utpotè delicatioribus fibrillis coagmentatæ? Dederis aërem in ovulo dilatatum, jam non sufficit idem, quod hæcenus, spatium vasculo-

* Exper.
Belliniere.

3
his partibus in ovulo complicatis: evolvuntur, seminalemque auram poris undequaque hiantibus, avido ore ebibunt; cum hinc fluida ferantur nativo impetu, ubi minus comprimuntur. Turgent itaque vascula liquore admissio, novisque vinculis aërem cohibent. Quas coitus solverat uteri rugas, ea posthac iterum contrahuntur, premiturque circum-circa inclusus aër in ovulo: nec ibi torpet iners: renituntur liquores in ovulo contenti; iis sese applicat, idemque perseverat, cum eadem semper dilatationis causa sit, idemque semper principium contractionis.

IV.

Aëre præstantius Nihil. Aëre pascitur*, nutritur, quidquid oculis nostris ex-
hibet tota hæc rerum universitas. Ab aëre vita, salus; ab aëre ¶ plurimus do-
lor, ipsaque mors, si divinum auscultaverimus senem: nec minor experimentis sacro.
fides & rationi. Quot in medium protulerim, solius aëris foetus, phenomena? Se-
ligamus è bene multis pauca. Carnes* in machinâ pneumaticâ deponantur: edu-
cas aërem, eas magnam in molem efferri miraberis. Turgebit vel minima cor-
dis fibrilla. In viris § orientalium plagatum incolis motus cordis systolicus ac dia-
stolicus quinquies aut sexies millefimam superat vicem; in septentrionalium vix linire.
ter aut quater millefimam. Cur in* Galliâ nostrâ corporum minor æstate gravi-
tas, hyeme major, nisi à diversâ externi aëris pressione? Redigitur aër internus
ad majores minores-ve angustias: hinc activo liquores per venas discurrent tem-
pore promptius, tardius hyemali. Reviviscunt* animantia quædam, nemo nes-
cit, quorum tracheam, ductum-ve thoracicum fortiter inspiraveris: redintegratur dic. ratio-
admissio aëre cordis motus per aliquot horas; nec illud idem in* homine mor-
tuo tentatum infelicitur. Nullus non hæc aëri ascribat phenomena; liceat memo-
rare bene-multa alia, quæ non aliundè proficisci inconcussum est. Unde-nam tan-
ta corporum alacritas, vere reduce, tanta piscium, tanta animantium omnium fe-
racitas? tunc omnia repullulant: in promptu causa est, motus aëris major, ejus-
que in dies aucta raritas. Humor circumfluit cælum obtineat calore tepidum
benè temperato: jam non idem corporis habitus; inflatur, turgescit, vasa disten-
duntur, apparent majora. Quantum mutata à se ipsis! oculos modò panè Lyn-
ceos fessellerant, adeò contraxerat cutim, porosque occluserat frigoris asperitas.
Non aëris semper temperies eadem: mutatur in horas, non ignaris, atque uti-
nam non incautis iis, quorum corpora fluxionibus, rhumatismis, podagra, den-
tium doloribus obnoxia. Dubio cælo, si cui clavis malè vigeant pedes, si cui re-
cens obducta cicatrix, infixos tùm queritur partibus afflictiis aculeos, ardore pru-
rituque importunos, adeò ut hæc totidem corpora, totidem veraciter affeveres
esse barometra. Quid plura congessem experimenta? cucurbitulis probè per-
spectis nemo negaverit aëre corpora comprimi, nemo coaciam in musculis plu-
rimam aëris copiam inscicias ieverit. Quam portentosum corpori humano aëris pon-
dus imminet! Premitur humana quæque superficies* viginti & mille amplius li-
bris: tantâ mole oppressus renititur aër ille quem fibrille corporis excipiunt,
vimque vi repellit non impari; at duplo* major aëris actio brumali quodam
tempore, quam cum efferbuerit æstatis calor: hinc corpus humanum non imme-
ritò dixeris *Aërometron*.

V.

MAXIMA sanè aëris virtus & efficacia. Summopere gravis & elasticus, mo-
dò majus, modò minus loci spatium occupat, sicque motus continuat al-
ternos, vasis scilicet à primâ rerum evolutione liquoris præsentia dilatatis. Ver-
rùm, inquiet aliquis, exolefcent igitur nervi spiritibus animalibus, sive succo ner-
veo malè carentes! Poterit-ne aër temerè sparsus certos constantefque circulo-
rum números absolvere tot motibus diversâ ratione producendis impar? Momen-
tosa sanè percontatio, & cui ut plenius fiat satis, observaveris velim. 1^o. Fila-
mentorum tenuissimorum radicem, videri nobis & esse corticalem cerebri sub-
stantiam. Cognitur in unum filamenta benè multa, inde crassiores fasciculi ro-
bustioresque efflorescunt; nec eadem, ut faciliè in animum induxeris, fasciculo-

* Hipp. lib.
de morbo
sacro.
¶ Hipp. lib.
de flatib.
§ Exper. Poa
Bernè.
Fridèr.
Hoffm. Me-
nal. tom. 2.
Fridèr.
Hoffm. dis-
t. tom. 2.
Brunne-
rus in tra-
ctatu de
glandulis
Duodeni-
Poliniere
exper.
Homberg.
hist. de l' A-
cadem. Me-
moir. de
Trev. Nov.
de Decem-
bre 2. part.

rum congeries, alii numero plures, numero pauciores alii: sicque in funes abeunt spissitudine diversos, qui nervorum nomine nuncupantur. Qui è multis in unum coaluit nervus, ille idem, si ulterius progrediare, desinit in filamenta. Nervos minores majoresve amplectitur pia duraque mater & obfirmat, iisque omnibus singulas humani corporis partes instrui, obtendi, stare intelligas; nec ullus in microscopio dolotis sensus, quin debita nervos tensione fraudaveris. Expandantur tumore nimio cutis, cæterarum-ve pattium fibrillæ, ut in Podagrâ, Erysipelate, &c. dolcas necesse est, si tactu vel levissimo perstringantur. Frustrâ nervos dixeris percrebratos, ut ficticius quidam interfluat humor. Quâ ratione succissi contraherentur? Nullâ mediis-fidius: non succorum ope nerveorum, qui in tenues autas carcere liberi, avolaverint; desiderent ergo, pondus inutile, longiusque expotrigerentur. 2^o. Quidquid solidum fluidum-ve in os ingesseris, unâ subit aër, comes individuus, tenuissimæque ipsius particulæ chylum in sanguinem usque prosequantur: etenim major aëris copia in adulto, quàm in foetu deprehenditur, intrâ corporis humani partes singulas speciali in organo aequaliter sparsa atque disseminata. Cum sanguine ipso per arterias venasque progreditur aër promiscuus, habitâ proportionem quâdam, & vesicularum suarum amans, iis obreptit inter muscutorum fibrillas, circumquaque latentibus. Vin hujusce rei probationem? Musculosas carnes igni admoveas; vix calore concepto tument, dissiliunt hinc indè fibrillæ, substantiamque efformant spongiosam & vesiculatam. Testes* cæ de re appello petitisimos homines quamplurimos. Quid plura? Lanios ipsos interrogaveris: dispar non erit responso. Vitulos cæterasque carnes inspirant; itatim in conspectum veniunt vesiculæ. Porro notum illud inter *fluas* principium: minima vis accedat ad motum producendum; recedat ad eundem sistendum, sufficit. Quò autem mole minores, eò minor adhibenda fluidi quantitas, eò celerius instantur, turgescunt: mirati desine; aëtem cohibent, quo fluida inter nullum rarefit citius, promptiusque nullum exandescit.

* Borell.
Bernoulli.
Anatom.
Heister.

Ergo omnes animantium motus ab Aëre.

DOMINI DOCTORES DISPUTATURI.

M. Andreas-Josephus Se-
yon.

M. Jacobus Trant, è Re-
giâ Scientiarum Acade-
miâ.

M. Joannes Besse, Dota-
ria Hispaniarum Regi-
na à Consiliis, & Medi-
cus primarius.

M. Thomas-Renatus Gas-
nier.

M. Petrus Maloet, Regis
Consiliarius & Medi-
cus, nec non domus Re-
gie Invalidorum Du-
cum & militum ordina-
narius, & è Regiâ Scien-
tiarum Academiâ.

M. Antonius de Jussieu,
Regiâ Scientiarum Aca-
demiâ Socius, & Botani-
ces in horto Regiâ Pari-
sienſi Professor.

M. Philippus Davier de
Breville, Dotaria His-
paniarum Regiâ Conſi-
liarius & Medicus Or-
dinarius.

M. Ludovicus-Simon Em-
meret.

M. Joannes-Baptista Sil-
va, Serenissimi Ducis
Borbonis Medicus Ordi-
narius,

Proponebat Parisiis ROBERTUS-HUBERTUS LINGUET
Remensis, Baccalaureus Medicus, A. R. S. H. 1731.
à sextâ ad meridiem.

Typis G. F. QUILLAU, Universitatis & Facultatis Medicinæ Typographi, 1731.